

BOSNA I HERCEGOVINA
Ministarstvo pravde



БОСНА И ХЕРЦЕГОВИНА
Министарство правде

Broj: 08-07-14-5642/09
Sarajevo, 14.05.2009.godine

BOSNA I HERCEGOVINA
PARLAMENTARNA SKUPŠTINA BOSNE I HERCEGOVINE
SARAJEVO

PRIMLJENO: 20-05-2009			
Organizaciona jedinica	Klasifikaciona oznaka	Redni broj	Broj priloga
01-50-1-15-52/09			

BOSNA I HERCEGOVINA
PARLAMENTARNA SKUPŠTINA
BOSNE I HERCEGOVINE
PREDSTAVNIČKI DOM

Predmet: Odgovor na poslaničko pitanje poslanika Salka Sokolovića - dostavlja se

U prilogu akta dostavljamo Vam odgovor na poslaničko pitanje koje je na 52. sjednici Predstavničkog doma Parlamentarne skupštine Bosne i Hercegovine, održane 29.04.2009. godine, postavio poslanik Salko Sokolović.

Prilog: Akt kao u tekstu.

S poštovanjem.

Dostavljeno:
- Naslovu
- a/a



Bariša Čolak
Bariša Čolak



Broj: 08-07-14-5642/09
Sarajevo, 13.05.2009.godine

Salko Sokolović, poslanik u Predstavničkom domu Parlamentarne skupštine Bosne i Hercegovine, na 52. sjednici predstavničkog doma održanoj 29.04.2009. godine, postavio je sljedeće poslaničko pitanje:

"Šta Vijeće ministara i nadležno ministarstvo pravde preuzima da se uredi oblast u vezi numeracije artikala, tzv. bar kod?".

Na postavljeno pitanje Vijeće ministara Bosne i Hercegovine je na ____ sjednici održanoj _____ godine, utvrdio sljedeći

ODGOVOR

Ministarstvo pravde Bosne i Hercegovine nije nadležni organ za preduzimanje radnji na uređenju oblasti u vezi sa numeracijom artikala, tzv. bar kod.

Ministarstvo pravde Bosne i Hercegovine je u okviru svojih nadležnosti, u skladu sa Zakonom o udruženjima i fondacijama Bosne i Hercegovine ("Službeni glasnik BiH", br. 32/01, 42/03 i 63/08), postupalo po zahtjevu o upisu u Registar udruženja "GS1 – Udruženje za automatsku identifikaciju, elektronsku razmjenu podataka i upravljanje poslovnim procesima.

U toku postupka registracije, Ministarstvo pravde Bosne i Hercegovine utvrdilo je da zahtjev za upis u Registar udruženja nije potpun i da sadrži određene nedostateke te da se navedeno Udruženje ne može upisati u Registar udruženja kod Ministarstva pravde BiH, bez prethodnog otklanjanja istih.

U skladu sa članom 34. stav 1. Zakona o udruženjima i fondacijama Bosne i Hercegovine Ministarstvo pravde Bosne i Hercegovine je pozivom na ispravke i dopune zahtjeva aktima broj: 08-07-1-226/08 od 23.01.2009., 02.04.2009. i 06.05.2009. godine zatražilo od podnosioca zahtjeva otklanjanje određenih nedostataka i ostavilo rok od 30 dana, od dana prijema obavijesti, u kom roku je stranka dužna postupiti.

Takođe, podnosilac zahtjeva je obavješten da ukoliko ne postupi u skladu sa obavjestima Ministarstva, Ministarstvo će donijeti rješenje o odbacivanju zahtjeva za upis u Registar udruženja.

U toku postupka upisa u Registar udruženja, Vanjskotrgovinska komora Bosne i Hercegovine dosatvila je akt broj: SK-1-1058/08 od 10.12.2008. godine kojim se protivi registraciji naprijed navedenog udruženja. Ministarstvo pravde Bosne i Hercegovine je akt prosljedilo podnosiocu zahtjeva za upis u Registar udruženja radi izjašnjavanja po navodima istog.

Obzirom da je Ministarstvo pravde Bosne i Hercegovine, aktom broj: 08-07-1-226/08 od 06.05.2009. godine, obavjestilo podnosioca zahtjeva za upis u Registar udruženja da otkloni određene nedostateke i ostavilo rok od 30 dana, od dana prijema obavijesti, dakle postupak je u toku, čeka se da podnosilac zahtjeva u navedenom roku dostavi ispravke i dopune zahtjeva u skladu sa datim uputama.